



林下堂詩卷十四

雲山老人

程鑿

秋水

時年七十又八



丙戌一

元旦

拂紙試新墨朝吟元旦詩鶴添一歲老人賸隔年
痴椒酒豈辭滿霜柑且應時願從今日始合以醉
為期

倦枕

倦枕搯頻起清宵客愴神松風晴落雪山月夜窺

人未覺青氈舊翻愁白髮新舉頭瞻玉兔霜色淨
珠輪

送客之廣陵

茲行非遠別去住一言分春水平於掌輕帆薄似
雲投林鴉點點對酒客醺醺預恐登樓眼還勞倚
夕曛

過橋

過橋尋野景不厭往來頻短策時迷路春風欲笑
人逍遙三島鶴放浪葛天民喜得無拘束超然物

外身

題美人倚闌圖

美人新睡足但自倚闌干欲識春來意祇在兩眉
端

病遣

矇眊牢依案團爐抱月圓衣添寒雨後病發早春
前目眩驚翻瓦心虛若泛船喜無人顧問坐卧且
安便

閨中望遠

望遠杳無極柔腸百丈牽浪思填海石數遍渡江
船眉壓春愁重心從落日縣夢魂難到處踪跡定
誰邊

問答

問而不答貌如愚涇渭分流性各殊顧我匱中無
美玉因誰海底探明珠題詩早愧鐘前飯把釣曾
非跨下夫此際漫須論往事蠹書一卷老迂儒

寒暖

寒暖變須臾陰晴轉眼殊纔看雲漏日又見雪拋

珠得酒且高興除詩無別圖門庭遂幽閒荒徑莫
教鋤

陌上吟

誰家紅袖倚闌側流目送意嬌無匹陌上紛紛遊
冶郎博卿一顧那禁得多情似我復何如恨不相
逢年少日

解凍

暖日來滄海暄風到古堂凍痕初剝落簷滴自淒
涼欸欸梅輸白徐徐草退黃祇愁門巷外屐齒漸

匆忙

留客卻寒

酷冷叫奇絕人來索酒忙雪封枯井合冰挂古簷
長紫出關東蕨黃烹口外羊相期同醉飽聊贈卻
寒方

梅花初放

數枝猶帶雪幾日漸生春欲破蕊還縹將開色未
勻林端無舊蝶樹底有閒人直待花爭發香風滿
近鄰

止飲

麴生勢莫敵自合豎降幡揮彼鸚鵡杓碎卻鳳皇
尊不逐傅奕死恥以屋爲禪醒時一開眼浩浩仰
乾坤從此青衫上惟餘舊酒痕甘心吾止也非惑
婦人言

古詩三章

物難移毋倉迫惡木燒不香烏鴉洗不白
事難行免乖張釜心不可拱車輪不可方
昔有言請君聽求暖勿臥雪求涼勿抱薪

頽年

瘦骨皴膚欲起鱗頽年通覺減精神
五花眩亂歸雙眼百病回環戀
一身攻補有方希不死甘肥無
分漫相親來朝準擬開懷抱攬取春光處處新

家園

入徑生歡喜心閒步亦悠
臥藤盤石角高柳出樓頭
倚檻聞歌鳥臨池理釣鈎
家園好行樂何事更他求

雨梅

歷亂春愁不自裁爾梅端底欠安排
花時未遇晴明日無可柰何帶雨開

憶楊鑑堂

九載通名姓忘形結素交
有時一相見往往輕錢刀
嶽峯標峻骨汗漫老風騷
片言不愜意白眼付羣曹
乃獨不我棄少貶而多褒
愧乏驚人句時慙飯顆嘲
大雅未衰息新詩我亦豪
但遇賞音者水深山自高
似君堪與語願以漆投膠
何日希重到書齋慰寂寥

有夢

美人入我夢携手慰離思并坐花間好同行月下
宜往來渾未解顧盼轉生疑顏色雖然是不似十
分時

折腰吟

朽木不可倚敗船不可渡天生此男兒作事胡猶
豫豈若亡羊者茫然失岐路既北復向南東走且
西顧倉卒亂投人牽鼻隨所御嗟哉七尺軀忍為
折腰具詎知風雨來彼傾我亦仆

勸飲

客來頻勸飲吾子意云何一斗難相勉三杯未是
多不愁花見笑其柰病為魔腴面作馮婦前有止酒詩憑
人事揣摩

春陰

陰雲隨意合春水閉門深絕少花爭艷希聞鳥弄
音卷簾惟面雨隱几但長吟白日安閒過了無人
事侵

病起有憶

為因多病身長嬾倦倚虛櫺小閣東白項烏啼寒
食雨紅襟燕蹴落花風垂楊裊裊情難繫春水迢
迢眼欲空二十五年消息斷關山何處夢魂通

自娛

塵氛日以遠城市若村居小盞傾新醪春盤雜野
蔬喜無多債負幸不典琴書澹泊堪娛老合應與
世踈

清明後二日晴

一春第一日難得此晴光百草全輸綠老梅大放

香亭臺綠客掃几席為誰張惜少山王輩同來坐
野芳

索笑

年年索笑客來頻滿壁題詩肯認真但恐梅花能
解語不知慚愧幾多人

遊春曲

春風吹過閒庭院但有闌干須倚遍柳葉縐於思
婦眉桃花紅比歌兒面蠻音滑語滿林梢金衣公
子烏衣燕花鳥勾人足款留草頭富貴非吾羨領

取風光抵萬金醉蝶狂蜂都入券

自笑

物情悅矯飾世好尚周旋越俗難超逸偷生賴保全
成仙原有術使鬼亦須錢自笑多茫昧昏昏醉裏天

乘興

小園乘興至新柳一行行舞蝶穿林白流鶯隔葉黃
縱情聊遣意散步不須忙更有閒花草無人亦自芳

得失

得失何煩與世爭形骸祇合付聾盲人無驕吝才
方美詩到平和語不驚老拙久經忘故態浮名終
屬誤儒生頻年幸免饑驅累便可從容養性情

自咏

食無兼味郭無田長日長年戀一瓊風雨床頭思
舊侶梅花窓下檢新篇從他奔迫何須算道我清
閒不盡然少事况復能多事尋春又辦酒家錢

芳園

林下堂詩 卷十四 八
花落花開總斷魂春來春去了無痕芳園一段榮
枯事小鳥吞聲不敢言

臨軒

臨軒何所見寓目開懽顏對竹如看畫觀雲可當
山身無黃犢健心與白鷗閒好日一杯酒春秋俯
仰間

遠客至

擘我花間戶拂君衣上塵倉皇勞問訊驚喜兩酸
辛屋是舊時屋人猶今日人如何久離別傳說總

非真

書感

乾坤原浩蕩蜀道自嶙峋過後知天意臨危奈此
身羞為防夜犬浪作卧薪人不用回頭看蒼茫何
處津

枕上吟

出處宜安分窮通理亦齊人識貧為累吾知富易
危黃金不用生雙翼白璧何須假四蹄烟消電滅
等閒耳天地盈虧君豈知龜以殼亡象以齒錦衣

林下堂言 卷十四 九
繡食空吁戲君不見古今得喪由自取黃犬無緣
悔後遲曷若閉門高卧者一枕南華曉夢迷

焚香

翩翩裘馬任輕肥一室焚香靜掩扉簾外飛花無
計入鏡中白髮逐年稀堅持櫬拂驅蠅去半啟窓
櫺待燕歸不是老夫甘散淡近來人事已全非

野望

野曠望不到青天無盡時出郊信荒僻跬步憑所
之林泉意自放繞岸迷東西鵝雁不擇水鴉鵲各

分枝落日有餘照歸雲無遠思暮景迫人事村烟
亂晚炊

破瓦

風雨飄飄第幾椽既經拋擲敢求全一文不直君
休笑此瓦曾居華屋顛

眼前

眼前變幻同碁局人事悲酸到鼻端天地未嘗無
雨露江河元自有波瀾但求溫飽生何益不負鬚
眉死亦安恩怨即今難孟浪蹉跎多恐誤儒冠

燕來

燕巢如故主非新
養子風塵幾度春
君向他鄉還作客
我於何處更投人
翻思潦倒雙蓬鬢
猶勝飄零四海身
今日開簾好看待
落花風雨亦來頻

昨夜

昨夜星光在眼中
珍珠簾捲畫樓空
蝸牛粘壁涎方盡
青鳥無書信豈通
若斷若連烟草綠
半開半落井桃紅
琴窻寂莫金徽冷
一曲離歌爨下桐

白石翁山水圖

天地長留畫史收
石田高致稱風流
五湖烟雨三湘夢
一軸雲山萬壑秋
翠嶂巔崕縣古寺
急灘亂石下輕舟
晚來莫傍青楓宿
怕有哀猿在上頭

試衣

朝來初試袂衣裳
鏡裏鬚眉撲面霜
衰老已拚終夜醒
風光又送一春忙
吟詩不共梅花瘦
漉酒分明竹葉香
近日小園差足樂
嬌紅艷紫正顛狂

晚晴就花下獨酌

地濕苔衣滑雲晴日影斜
甕餘將盡酒林剩未殘

花舊綠杯中罄新紅雨後加轉因開得早即恐委泥沙

見壁間懷古詩

詩人多懷古往往成泛濫歷代有興衰興衰何足歎前賢糟粕餘請君勿復啗

參錯

參錯古難齊閱世吁可喟雁以不鳴烹人以多言敗

過某氏故池

柳拂闌干着意憑彎環玉砌斷烟凝一池軟碧還如舊繡尾而今長未曾

立夏後臥病數日

寒溫失調攝垂老病成胎不果隨春去翻然觸夏來蹉跎三月暮狼籍百花摧衾枕何聊賴青囊手自開

池上

夏景歸池上臨流欲洗心荷錢難挂杖柳線欲穿針白鷺不飛去黃鸝多好音一時忘物我解帶愜

疎襟

旅舍

大笑出門形影單
他山他水路漫漫
依人預恐雙眉縞
仰面方知一飯難
十載星霜披短褐
半生塵土走長安
旅亭况味真無賴
誰共挑燈話夜闌

書感

覆地松陰晝掩關
繁華過後老成閒
閱來世事經千變
歷盡人情見一班
鑿井有泉欣共飲
釣魚忘餌卻空還
已拚得失歸泥醉
爛漫乾坤俯仰間

盼鶴

才短身慵早拂衣
烟波終老釣魚磯
張羅門巷車聲遠
繞屋藤蘿夕照微
獨犬不知何事吠
閒花似欲傍人飛
多情別有關心處
白鶴一雙還未歸

四月雨

赤腳衝泥滿市喧
櫻桃爛熟雨聲繁
苔衣奪盡宮袍色
池草爭埋屐齒痕
去鳥但愁迷舊樹
扁舟直欲到柴門
當前又見陰雲起
飛過城頭第幾村

看花

林下堂詩 卷十四
祇有看花興未灰豈知花事等閒摧茶蘼早逐東
風嫁芍藥難禁猛雨來一線金鈴元自繫數聲羯
鼓漫須催他時到此應惆悵滿地青青歎落梅

過酒家醉歸

綠樹陰中出酒旗疎籬錯落屋參差閒花有色容
人住好鳥呼名不自知湖入山邱烟水濶地多荒
野月光空醉來壁上題詩去笑解金魚繫柳絲

喜故人至

枉道能相訪幽齋為掃除衣冠聊自整衰老累人

扶正喜逢君子翻勞問病夫十年朝夕意重疊話

桑榆

且園除草

爬梳工作了小倚石闌邊密竹難容趾短籬不過
肩聞鶯趨茂樹洗耳掬新泉應接頗忘倦曾無物
外牽

古詩

神洲無病客鬧世少閒人一從身墜地直下九重
阮胡然而富貴胡然而賤貧跳擲幾何時千憂百

木一室言 卷十四 古
累并奄忽逐飄風漠漠飛埃塵但見生者死不聞
死者生

新荷歎

新荷漾水圓復圓數來無數青銅錢蜻蜓偷眼鷺
拳足游魚啞啞噴腥涎苦遭磨折那自主翠鈿剝
落無完邊既經破碎勿復顧掀翻傾側憑倒顛從
今已了風波願留取根柯幸保全不須對此意愴
惻物無巨細都由天

立涵虛閣下

綠岸紆迴轉朱橋曲折連草濃疑帶霧水靜不生
烟觸藻蝦鬚健窺魚鶴頂偏我心何所羨久住為
誰牽

萍

一夜多情雨池塘滿目賒托根無實地借水作生
涯見在浮為梗前身飛是花飄零何所似蕩子不
還家

長命

長命亦何取荒哉不死身百年悲老大萬事益酸

辛畏食餐頻減無眠夜達晨雖生常帶病顧影白
頭新

小院薔薇

朝眠苦被鶯聲喚卷幔看花花燦燦嫩紫嬌紅愁
殺人露濃濕透臙脂汗

悼李驥武

九重泉路君長往永別焉能不愴神有婦可憐千
里隔無兒贖得一身貧死為淮海傷心鬼生作江
湖飲恨人旅櫬况須留古寺青袍難免淚痕新

我有二章章六句

我有良田他人寶之我有黃金他人匱之吁嗟乎
戲誰其使之

我有輕裘他人衣之我有肥馬他人乘之吁嗟乎
戲誰其為之

雜詩二首

鳩兮鴿兮飛飛逐逐朝飲我池莫棲我屋勿彈以
丸勿投以竹爾心安之我復何辭人非禽鳥慎勿
如之

林下堂詩 卷十四
莫我榮莫我辱我咽糠粃君食粟我咬菜根君啗
肉君能安享我但知足

獨往

小園獨往恣忘歸坐有林泉釣有磯花鳥於人何
厚薄琴書結伴莫相違無言竟日烏皮几閱影終
年白板扉不信此時最幽寂琅玕滿徑履痕稀

采桑三章章四句

采桑采桑露未乾纖纖十指羅袖生寒
采桑采桑日以稀葉稀奈何蠶日以饑

采桑采桑憂思難忘息彼桑下心念他鄉

甲子雨

四月廿五日

甲子連宵雨綿綿不了休倒崩三峽水亂落五湖
秋涼氣逼新夏清寒憶故裘朱旗頻閃灼滿目電
光浮

空廊遣興二首

空廊紆寂寂院草鬱芊芊匣有千金劍家無二頃
田苦吟寧惜命嗜懶不求仙且了今朝事明朝聽
自然

開窗面新竹僻處自言尊筆硯如朋友琴書若弟
昆紅襟猶識主黃耳未忘恩卻笑平原客趨踣過
別門

天性

吾涯隨物理此外別無他但恨讀書少敢嫌識字
多庸人或我笑我意復云何賢否各天性毋勞費
揣摩

犬吠客

客散近十載犬來已八春舊客忽新至犬聲何狷

狷人固不足怪犬亦毋庸嗔此消而彼長棄故合
迎新為我前致詞我犬誠無知我犬雖無知請君
自思之

自遣

新詩吟罷短筇隨幽徑紆迴步每遲近水觀魚驚
翡翠就花移席醉醱醖不為世用腰長直可博人
憐志已卑我輩儼然標格在多能多伎任他為

雨中友人送枇杷

磊磊多炎果晶盤喜見分暫沾淮市雨猶帶洞庭

雲黃杏空為配青梅不及羣江南風水便致遠日紛紛

割麥歌

寒水凍結土迸裂東風欠煖三春雪四月一月雨如麻綿綿不斷又五月鶉姑亂叫東西飛二麥在地多恍惚十牛九死且為殃高田澆澆低田沒割之刈之泥水深天不晴兮無善策爾農爾農可奈何家家相對空悲咽空悲咽風聲雨聲還未歇

午日喜晴

不知雨忽歇詎料果然晴蛺蝶須歡喜蚯蚓莫浪鳴應時縣艾葉無計得梟羹但見榴花放何曾照

眼明時病目未瘥

屏居

卜居人境同幽谷屏卻繁囂遠儕俗科頭曳屨儘逍遙咫尺家園來往熟風檐時展案頭書雨廊閒倚窗前竹游言那得傾吾耳五色焉能奪我目有口不飲東家酒有足不踐西家屋輕輿快馬任奔趨紛紛出入忘檢束冠蓋相傾亦尋常但愁轉盼

榮為辱君不見南村北郭田舍翁子子孫孫保庸
碌

雜感八首

天地恩深雨露多百經磨折等閒過餘生尚自能
調攝祇合焚香掩薜蘿

浮世浮名歎渺茫柴門雞犬好相將千秋事業吾
何有落得春宵夢一場

鴉飛兔走枉徒勞養子無成命所遭莫怪鵲巢鳩
占去鵲巢原自不堅牢

黃金何用高於斗白髮曾誰十丈長天下田園耕
不了諸君毋乃太匆忙

憑人棄取奈人何消長由天莫怨他贏得一身轉
清淨前生合是老頭陀

母氏劬勞十月胎生年誰帶寸絲來此身畢竟歸
何處野水寒烟亦痛哉

郭家湖上倍淒然岸岫青蘆岫岸烟盡改園林為
葬地不知若個子孫賢

古木森森誰氏栽今人於此重徘徊無端風雨連

根拔更有何人繫馬來

遣事三首

門外不知門內事家雞競逐野雞飛雞飛直入滄
溟去其奈臨風羽翼微

羽翼雖微志不撓上摩霄漢下蓬蒿但愁雕鷲難
忘爾挾子分飛何處逃
百折千迴任爾專豈知大道直如弦挺然獨向中
央立南北東西總是天

月暗

老眼昏昏思悄然清宵惆悵倚簷前月光長似不
明鏡雲氣渾如未散烟縱使晴明無兩日詎知風
雨又三天湖頭水色朝朝長何暇投竿問釣船

晚晴泛蕭湖

乘興浮小舸波光蕩漾中鷗爭新水綠漁逐夕陽
紅岸草留殘雨城烏叫晚風蕭湖本蕭索蒲葦亂
西東

迎送曲二首

錦纜牙檣綵鷁新風光到處總生春太平富貴非

輕易天上神仙八座人
頂冠縛帶皆長袖
挿箭縣刀盡短衣
送往迎來成
故事車如流水馬如飛

贈別

八尺昂藏志豈違
千金行李燦生輝
青山一別須
回顧莫學游雲去
不歸

望月

月喜今宵滿團團
白玉輪一時開朗照
萬里淨纖塵
星斗光全掩
山河影更新
空庭誰獨立
疑是鏡

中人

蜀葵

五月羣葩歇
茲葵獨放時
軒亭雖不重
采掇定難辭
大葉能遮日
高枝每出籬
小園須點綴
端為一題詩

雨不止

天漏誰當補
冥冥沒了期
陰雲端未散
久雨實非宜
獲麥能無阻
移秧且及時
農家終歲苦
那得不愁眉

林下堂詩 卷十四 三
酬許二秉堅屢餽新茗兼以書懷

滌器傾泉活火烹
菘蘿遺餽勝瑤瓊
山光水色迢迢路
雁往魚來歲歲情
午枕夢回塵事遠
疎簾風靜客心清
故人相隔千餘里
對此能無惆悵生

樓上望珠湖

樓上窗開吹面風
蕭蕭蘆葉雨濛濛
朱簾翠舫依稀見
總在烟光水色中

東閣下喜青梅可食

閒依東閣敞虛簾
瑣瑣青梅壓短檐
正好摘來隨

意嚼豈知一本各酸甜

疎懶

山林遂疎懶
鹿豕合為羣
飲水蕩胸臆
開書廣見聞
情堪同野鶴
心祇慕孤雲
夙夕能無愧
焚香謝衆紛

雨歌喜為詩

浮世憑高下
生涯任苦甜
雨花餘筆架
涼氣拂書籤
日出雲歸岫
窗開香出簾
喜心何所佐
短句又新添

夏夜步長廊

天地放新晴風廊竹韻生孤螢光自照霽月影逾
明草露霑衣濕星河入夜清筍鞋覺安便百步喜
身輕

蟬聲

蟬聲在何處已據最高枝歲歲驚人耳朝朝促鬢
絲閒中原不厭愁裏卻非空微物有知識揚音須
及時

早螢

閃閃出籬落飛飛過眼新行光非假借曳火不燒
身變化隨生意低昂逐世因但憐風雨後帶濕入
檐頻

林下堂詩卷十四 畢

